

滿洲調查記

日本 岡田雄一郎著

中國 富士英譯

第一章 發端

俄人之處心積慮欲據滿洲以爲己有也久矣一朝得志則以此爲根據之地而後兼併夫朝鮮其用意之深魄力之大固世人所共知也而老大帝國之支那則且如睡獅之沈酣未醒一任他人之剝之削之而不之覺即有設施無不失當彼虎視眈眈其欲逐逐之俄人乃得乘間而入吁可畏哉

間嘗觀之自有甲午之役而支那衰弱之形以顯德也法也英也莫不乘機而作紛紛染指於其間彼藉口於利益均沾一語旅順大連遂不得不爲強俄之所有東清鐵道既成保護之兵繼至奉天遼陽既爲俄人冠蓋往來之地而支那政府乃無能爲役矣

滿洲三省既歸俄人掌握之中則其乘勢攫取朝鮮也固意中事也日本鑒於唇亡齒寒之故不得不思有以保護之日俄之交涉於是起

庚子之變不得已而有列強遣兵之舉此固俄人不可失之機也大兵既來撤回無日撤兵問題遂成日俄戰事之結果

今者戰事畢矣世之論滿洲者雖意見各有不同而滿洲經濟之問題則固人人所欲得而研究之也僕也不才忝爲從軍新聞記者實地視察不無所得願貢其里以資參考

世之考察滿洲者不乏其人而關於政治之書素無善本以言經濟更可知矣苟藉支那之歷史以察滿洲之事實則陳書腐本之中既無真確之地圖更無絲毫之統計從事之難概可想見幸有俄人之軍用秘密地圖甚爲細緻其物產之輸出入則憑各地商會之記載或深悉情形日人之口述暇且訪問彼之貴官達人以爲蒐集材料之一助世之閱是書者當亦信其無大過歟

第二章 滿洲

第一節 土地

滿洲之土地計共三十六萬四千里南自旅順北至黑龍江烏蘇里江六百餘里西接蒙古及支那本土東隣朝鮮南控遼東灣北連西伯利亞

自北而南流入於遼東灣者謂之遼河營口其河口也是爲滿洲之輸出入港自北而東有大興安嶺小興安嶺長白山等山脈其間松花黑龍二江均與日本海相通故海陸之運輸甚便

奉天城滿洲之第一市街也吉林遼陽鐵嶺長春新民廳等次之而皆貨物聚散之地也

滿洲之海岸計共五百七十六里自旅順之南端以達鴨綠江之河口三百三十六里此其濱於黃海者也其濱於遼東灣者則有二百四十里黃海之濱斷崖居多而有旅順大連等港皮子窩大孤山非良港也大連一區自經俄人經營之後

壯麗特甚

一 山嶽 興安嶺之山脈爲滿洲西北部之大山脈小興安嶺介於松花江黑龍江之間山高四千尺有所謂烏雲和爾冬吉者火山也伊勒保里山在嫩江之上流與黑龍江之間而連西北部之興安嶺興安嶺則蜿蜒於黑龍江上流之額古納與嫩江之間而接陰山之山脈

長白山高萬餘尺形成滿洲東部之地勢而接於朝鮮之大山脈也松花江鴨綠江們三江均發源於此山小白山脈在松花江瑚爾哈河之間而入於西北完達山脈則分支於長白山經瑚爾哈河與興凱河之間直達於黑龍江烏蘇里江合流之地點

千山嶺之山脈爲遼東半島之主脈一禿山而已滿洲之赤禿山即是也

二 川流 遼河發源於內蒙古之海喇哈山縱斷滿洲之野而入於遼東灣水流甚宜自鐵嶺至遼河口便於舟行